

Montes.

Schola.

Ingenio & bonarum Artium celebres Viri.

recydes, ab Neptuno, qui & *Agæus*. Aliorum opiniones prætereo. Nominatur etiam *Ægon* Valerio Flacco & *Ægeon*, *Mare Græcum* Thucydidi, Europæis hodie *Archipelago* voce Græca: Turcis *Mare album*. Romani totum hoc Mare duobus nominibus olim appellabant, teste Plinio, *Macedonicum* quidquid eius Macedoniam & Thraciam attingebat: *Græciense* quidquid Græciam, *Myrtoum*, *Ægæi* pars, *Myrtoum pelagus* Ptolemæo circa Cariam, Asiæ Minoris regionem: Castaldo *Mar di Mandria*: Straboni vero Plin. & alijs inter Peloponnesum & Atticam. Nomen illi a Myrtilo Mercurij filio, quem in id deturbatum ab Oenomaio volunt Solinus & Iodorus; vel, ut verius sentit Plinius, ab exigua Insula, non procul a Carysto Eubæo Opido sita. *Icarium*, ab Icari nota fabula plerisque: Andrætæ Tenedio, ab una Cycladum, quæ & *Macris* & *Icarus*. Hodie *Mar di Nicaria*, Castaldo scribente: & alia. Montes etiam plurimi: *Bentiscus*, *Athos*, *Olympus*, *Ossa*, *Pelion*, *Citarus*, *Oebrys*, *Oeta*, *Pindus*, *Acroceraunij*, *Stymphe*, *Calidromus*, *Corax*, *Parnassus*, *Helicon*, *Cytharon*, *Hymettus*, *Stymphalus*, *Pholoe*, *Cronius*, *Zarex*, *Minthe*, *Taygetus*, & alij. In Græcia nempe Athenis Mercatus olim fuit, bonarum Artium & Disciplinarum celeberrimus. Quare a Diodoro Siculo Communis Schola generis humani dicitur. Cicero lib. iv Epistolarum ad familiares, *Nobilissimum Orbis Terrarum Gymnasium* cognominat. Eo Romani aliæque nationes Philosophiæ Græcæque linguæ gratia se conferebant. Cicero Græcis passim attribuit, multarum artium disciplinam, sermonis leporem, ingeniorum acumen, ubertatem dicendi, a quibus Philosophiam, reliquas item artes & scientias Romani hauerunt. Et Flaccus canit, *Gratis ingenium, Graiis dedit ore rotundo Musa loqui*. Viri hic clari literis & doctrina fuerunt *Musæus* Poeta, *Solon*, *Socrates* Philosophorum omniū præceptor, *Xenophon*, *Plato*, *Isocrates*, *Demosthenes*, *Thucydides*, & innumerabiles alij. Quod ad veterum Græcorum religionem, regnavit apud eos Idololatria. Deorum Dearumque numerus fuit infinitus. Augustinus de Civitate Dei lib. iii ex Varronis sententia affirmat, simul tam apud Romanos, quam Græcos extitisse 3000 Deorum, quorum 600 Joves erant. Unicuique suus Lar, suum Numen domesticum, Unicuique affectui, commodo, incommodo, periculo, suus tutelaris Deus: unicuique Deo suæ Ceremoniæ, suæ preces, sui Sacerdotes, sua Sacrificia, & libationes. Vulgus Græcorum hodie antiquitatis nihil retinet. Nam promissam plerumque gestat comam, anterioremque capitis fronti imminentem partem tondere solet: duplicatoque & crasso pileo utitur. Omnes universim pauca supellectile, uti Turcæ contenti sunt: nec plumeis lectis incumbunt, sed culcitra sive centones lana, aut tomento suffultos substernere solent. Odiosum omnes censent Vinum aqua diluere, & etiam nunc poculis se invitant: sed mulieres eorum Symposijs non interfunt, neque accumbunt in accubationibus epularibus. Vetus etiam Mortuos deplorandi consuetudo apud Ethnicos perdurat in